



SAOPĆENJE ZA JAVNOST

15 godina i 2 mjeseca zatvora organizovanoj grupi zbog izvršenja niza krivičnih djela neovlaštene proizvodnje i stavljanja u promet opojnih droga, iznude i neovlaštene nabavke i držanja oružja

(Brčko, 21.10.2025. godine)

Objavom presude pred Osnovnim sudom Brčko distrikta BiH nepravosnažno je okončan krivični postupak protiv Hajrudina Tursunovića, Adnana Rečice, Sedina Mušanovića iz Brčko distrikta BiH i Eldina Agušija iz Tuzle, zbog izvršenja niza krivičnih djela "Neovlaštene proizvodnje i stavljanja u promet opojnih droga", "Iznude" i "Neovlaštene nabavke, držanja ili prodaje oružja ili bitnih dijelova za oružje".

Prvostepenom presudom Hajrudin Tursunović (38)* iz Brčkog osuđen je na jedinstvenu kaznu zatvora u trajanju od 6 (šest) godina i 6 (šest) mjeseci zbog izvršenja produženog krivičnog djela "Neovlaštene proizvodnje i stavljanja u promet opojnih droga", krivičnog djela "Neovlaštene nabavke, držanja ili prodaje oružja ili bitnih dijelova za oružje" i krivičnog djela "Iznude".

Nadalje, Adnan Rečica (35)* iz Brčkog istom presudom osuđen je na jedinstvenu kaznu zatvora u trajanju od 4 (četiri) godine i 2 (dva) mjeseca zbog izvršenja produžena krivičnog djela "Neovlaštene proizvodnje i stavljanja u promet opojnih droga" i krivičnog djela "Iznude".

Sedin Mušanović (39)* iz Brčkog osuđen je na jedinstvenu kaznu zatvora u trajanju od 1 (jedne) godine i 3 (tri) mjeseca zbog izvršenja krivičnog dijela "Neovlaštene proizvodnje i stavljanja u promet opojnih droga". Na kraju, ovom prvostepenom presudom Eldin Aguši (38)* iz Tuzle osuđen je na kaznu zatvora u trajanju od 3 (tri) godine i 3 (tri) mjeseca zbog izvršenja produženog krivičnog dijela "Neovlaštene proizvodnje i stavljanja u promet opojnih droga".

Dakle, Tužilaštvo Brčko distrikta BiH je u toku prvostepenog krivičnog postupka uspjelo dokazati da su naprijed navedena lica u periodu od 2018. do aprila 2021. godine djelujući kao organizovana grupa ili u određenim slučajevima djelujući samostalno, izvršila niz teških krivičnih djela koja im se stavljaju na teret, zbog čega im je nakon sprovedene operativne akcije kodnog naziva "KLANAC" u ranijem periodu bio i određen pritvor počev od 29. aprila 2021. godine.

Nakon prijema pisanog otpravka predmetne presude, Tužilaštvo Brčko distrikta BiH bit će u prilici objaviti opširnije pisano saopštenje za javnost.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****